

## 欠水的時陣

林麗黛

「翡翠水庫水位接近低水位，就欲（beh）宣佈限水--囉！」  
「大台北地區開始限制休閒設施的用水！」「石門水庫水位接近低水位，桃園農田水利會緊急宣佈水田休耕辦法！」誠（tsiānn）久無落雨--矣，水庫的水愈來愈少，電視新聞、報紙一直出現這款欠水的歹消息。  
欠水的時陣，游泳池的頭家面憂面結，因為政府一下宣佈限水，伊就無法度做生理。日子一下久，某囡（kiānn）著愛寄人餉--囉！

欠水的時陣，作穡（tsoh-sit）人憂頭結面，因為無水通淹田，田塗予日頭曝甲焦酷酷（ta khok-x），田--裡的稻仔頭犁犁。日子一下久，裡兜就準備吊鼎囉！  
啊若洗車的少年兄咧？欠水的時陣，頭起先洗車用水一限制，頭家就叫伊換用地下水共（kā）人客洗車，日子一下久，連地下水嘛強欲抽無--矣；洗車的少年兄嘛強欲無頭路--矣，就準備去排路邊擔仔囉！

欠水的時陣，阮囡仔人嘛無通快活；日頭赤焱焱，厝--裡熱 kah 親像火爐，阮袂（bē）當去游泳池泗水--無打緊，連偷偷仔佇浴間仔耍（sng）水，嘛會予阿母唸規半晷，講啥乜（mih）「囡仔人就知道理，儉儉仔用水莫（mài）討債！」  
啊若講著洗身軀，嘛是「一粒頭兩粒大」。佇（tī）浴池洗，彼是無可能的代志；用蓮蓬頭沖（tshiāng），用水嘛是傷（siunn）傷重（siong tiōng）；姑不而將，就一跨（kha）桶水洗規身軀；若是拄著分區停水，彼就「姑不二、三將」，半桶水著愛洗一身軀囉！

欠水的時陣，阮阿母就誠（tsiānn）實是「儉水專家」；伊共洗米的水留落來洗碗、洗碗的水留落來沃花，洗菜的水掙

（kuānn）去沃菜、沃（thuā）衫的水掙（kuānn）去揉（jiū）塗跂（thōo-kha），真正是「一屑仔都無拍爽」。莫怪阮阿爸攞會講：「千个兄弟哥，毋值一个家（ke）內婆。」

咱台灣差不多逐（tak）年攞會欠水，毋是北部欠水，就是南部欠水。俗語講：「好天著存（tshūn）雨來糧」，有水通用的時，咱著愛想著無水的艱苦，逐家攞毋通烏白討債水、逐家攞做「儉水專家」，冗早（liōng）做欠水的拍算，嘛向（ng）望「欠水的時陣」莫閣（koh）來囉！